

道古堂集外詩

道古堂集外詩

仁和 杭世駿 大宗

梅花百詠

丙辰長夏竹西吟社分題詠梅得如干首裁冰翦雪  
殊愧未工

木葉彫將盡梅英色未勻嶺頭初見面寒谷已生春  
託根深谷裏冰雪已多年花萼閒中老清芬物外仙  
皎皎一林雪幽枝浸素月夜深發妙香寒氣侵人骨  
山有無雙品幽貞性自孤不逢林處士祇與野人俱  
古幹留清影蕭蕭三兩枝一般疏散性只許嶺雲知

梅早  
梅古  
梅寒  
梅孤  
梅疏

美人多遠思，瘦損小腰肢。明月垂清照，東風憾別離。瘦梅

骨立冰霜裏，枯枝幾樹斜。一朝春信到，還解放新花。枯梅

幾樹峰頭立，疏枝動晚風。尋香何處是，煙雨正濛濛。遠梅

莫笑枝柯短，深藏不惹塵。此中饒蘊蓄，牆外漫爭春。短梅

漫誇孤立好，類聚更爭輝。幾日花齊放，分明雪一圍。叢梅

寒萼開殘臘，春深見已稀。羞隨桃李豔，悔不早知幾。晚梅

玉骨全貞性，冰姿稱淡妝。但教畱本色，不借月分光。白梅

素抱山林性，冰霜氣自寒。縱饒桃杏色，莫作一般看。紅梅

花與葉全似，蕾儕蒂共新。恍疑金谷內，重見墮樓人。綠梅

花早春先到，黃深蠟不殊。漢宮曾點額，是否此花無。黃梅

羣英方處晦庾嶺春何早十月報先開春光已浩浩

嶺梅

深谷鎖春寒溪煙迷澗路樵子晚歸來時有暗香度

澗梅

寒宵一月朗玉笛繞孤舟任爾花開落晴江水自流

江梅

亭亭風雪裏野外一枝芳自有山林趣寒郊得冷香

野梅

一簾霜萼淨清馥透窗紗時倚闌干望中庭月影斜

庭梅

花開人靜後香發捲簾初東閣饒詩興清吟得自如

官梅

索笑窮檐下黃昏月上遲含情羞不語小立玉階時

檐梅

爲愛蕭疏質列屏臻妙境幽香近几筵時覺夢魂冷

屏梅

誰把蒼苔色妝來點點痕瀟瀟風雨夜疑作老龍看

苔梅

嶺上梅初放人皆雪裏看花光浮野淨香氣襲衣寒

雪梅

冶姿無熱性孤潔許誰知最是銷魂處疏林月上時

梅月

一朝陽氣到萬木盡知春梅獨先春發春風是故人

梅風

更深花氣靜瘦影帶煙籠一抹寒光裏幽枝度晚風

梅煙

驢背探來後孤村細雨時此中多冷趣風味少人知

梅雨

幾樹橫斜影清描最是難況兼閒雅性何處著毫端

梅畫

深惜孤高品畱栽近几筵不教清瘦質僵立雪霜天

梅盆

膽瓶深貯水斜插兩三枝隱隱含春意分明索我詩

梅瓶

爲花來野徑策蹇渡溪橋春信知何處幽香隔水飄

梅尋

逋仙歸去後消息近如何曾否孤山夢香魂月夜多

梅問

晨起探花信清香得得來東風昨夜到曾報幾枝開

梅探

美人千里外春信杳無期倚檻增惆悵東風不語時

梅憶

色是天然色香還分外香無香無色處猶記昔年妝

梅夢

梅詩忌肥濃猶忌酸寒氣欲得清中清須知味外味

梅詠

調羹推相種先出兆魁元綽約神仙品清和古聖倫

梅評

一種山林致蕭疏耐歲寒湖山深處好畱與野人看

梅觀

茅屋梅花發呼朋共賞心寒香環四面日動主人吟

梅賞

一自種梅花朝朝勤灌溉誰作主人翁領此清意味

梅灌

本是神仙品東風一夜開爲憐零落苦著意護蒼苔

梅惜

瓊華飛玉片和雪嚼寒花自有清香在餘芬沁齒牙

梅嚼

別後增愁緒孤懷寄遠春一枝分嶺外猶見翦痕新

梅寄

冷豔無塵態幽香最可人素心誠惠好願借一枝春

梅索

梅花知我性我最愛花香交契情難割移栽近短牆

梅移

松竹得良友好栽小苑中纔添三兩樹便解笑東風

梅補

彼此相依附脫胎已換胎從茲生意足好共一枝開

梅接

寒玉枝頭綴深林幾樹開幽窗憐冷趣兼取一枝來

梅剪

雪後花爭放多從驢背探折來香在手好共一肩擔

梅折

梅本蕭疏性蟠成更古蒼依然花滿樹不減嶺頭香

梅蟠

榮枯原有定開謝各因時自避新桃李何勞玉笛吹

梅落

梅自饒清韻猶能助淡妝雲鬢微點綴月下憶霓裳

梅妝

誰記雪中萼添來兩鬢霜插將官帽上猶帶御鑪香

梅簪

桃李羞爲友松篁許結盟相期冰雪裏共此後彫情

友梅

競說林和靖妻梅而鶴子世人愛荒唐姑畱佳話耳

妻梅

梅應居震卦震是長男位不奉伯爲兄更誰呼作弟

兄梅

梅兄出人言梅師出我口持以問羣花羣花皆點首

師梅

不受塵埃染山中別有天雲歸青嶂裏雪擁碧峰巔

山梅

數點寒花發溪邊試淡妝映冰山骨冷拂浪水痕香

溪邊梅

玉壺冰鏡裏清韻最宜人應共蘇隄柳湖邊度早春

西湖梅

東閣官梅盛清吟境最幽少陵多好句尙是說揚州

東閣梅

綽約無雙品清芬第一流但來仙子夢隨地是羅浮

羅浮梅

憶昔含章下飛來點額黃至今餘冷豔猶說漢宮妝

漢宮梅



祇道園中好花開蕊正稠誰知攀折苦不及卧林正

園中梅

寒香開繡閣春意動春思與爾同消瘦愁看月影移

園中梅

月夜橫疏影幽窗助苦吟春風先得意不負歲寒心

梅

梅友推和靖琴交數子期二三心契外落落有誰知

琴屋梅

自從寒萼放滿屋盡春風欲問春何在先生几案中

案頭梅

素抱山林性託根近草茅有時陽氣轉生意上枯梢

茅舍梅

僻處幽深地蓮門半碧苔今朝勤灑掃爲有好花開

陋巷梅

千古傳佳話江南贈折梅可憐驛館上畱得幾枝開

驛館梅

岸柳傳春信江城見早梅一時生意徧四野看多開

城頭梅

野店添幽豔風高雪打門牧童遙指處疑是杏花村

野店梅

隱隱疏籬外橫拖一樹花清風來野岸香散幾人家

籬過梅

渡江春有信磯畔也爭開晚唱漁舟出休教弄落梅

釣磯梅

樵徑山風古深林境更幽暗香時一動雲路正悠悠

樵徑梅

幾處梅花發鄰翁每見招今朝風月好策杖過溪橋

前村梅

分得孤山種春畦早占芳辛酸含至味應共菜根香

蔬圃梅

杏花春色滿今喜間璠花掩映蘇園裏冰姿帶晚霞

蘇園梅

梅月含生意如何近柳營望來能止渴聊以慰窮兵

柳營梅

空潭一月印疏影淡人心蓮座香風滿拈花助苦吟

僧舍梅

本是神仙品今來道院栽青梅休漫煮畱取好根莖

道院梅

素萼含孤性疏篁自一家清風來好友竹外幾枝斜

竹邊梅

誰把寒林友同栽近短牆松添霜後翠梅帶雪中香

松潤梅

根踞岑巖上花開古洞邊桃源曾彷彿幸少是流泉

石洞梅

水月相輝映寒窗品更清冰壺同皎潔朗朗玉山行

水月梅

帷幄增清韻幽香繞夢魂小窗初睡足疑在古梅園

紙帳梅

幾點蕭疏蕊生成雅淡妝隔簾看瘦影暗度好風香

隔簾梅

玉骨何消瘦菱花照影寒東風無限憾寂寞倚闌干

照鏡梅

落落疏疏品枝枝葉葉開一叢冰玉蕊萬點雪花堆

千葉梅

一莖開並蒂連理出雙枝不愧鴛鴦目栽依繡閣宜

鴛鴦梅

縱饒脂粉色仍帶雪霜姿畱取清芬在幽貞不改移

脂梅

獨樹鳥先覺空山人未回中和全醞釀只待好風來

未開梅

隱隱含春意將開尙未開纔舒三兩點已有好風來

梅乍開

一陽初動處半萼甫開時就裏細組大人多苦未知

梅半開

南北無分樣陽和氣共回東風多有意催使一齊開

梅全開

自是蕭疏性花開葉未齊畱將成實後掩映鏡湖西

梅葉

玉笛吹殘後離離子滿枝作羹應有望調鼎正當時

梅子

右一百首見石門屈氏所藏  
先生手書梅花百詠詩冊

### 全韻梅花詩

寅夏主講邗上安定書塾公暇偶咏得全韻梅詩雖

不能爲名花寫照而頗有層見疊出之致因錄存之

超然獨出嶺花叢占斷江南廿四風自有清香先字內

人間到處覺春融

東

羣陰剝盡一陽逢  
消長機關每在冬  
獨有幽姿含笑意

黃昏月上正香濃

冬

疏簾淨几冷銀缸  
一片清芬透紙窗  
幾次園林高位置

孤標終是戀晴江

江

蕭疏數點報春知  
領袖羣英許及期  
底事一般分冷暖

東風祇上向南枝

支

頻傾竹葉破寒威  
滿目蕭條悵落暉  
小立茅檐爭索笑

黃昏人醉未曾歸

微

藐姑仙子愛山居  
絕世風流畫不如  
別有幽棲探未得

白雲深處隱茅廬

魚

莫笑枝條大半枯  
嚴冬偏解吐清腴  
幾番描寫神難肖  
畱與江南作畫圖

虞

花光隱約徧湖西  
靜對芳姿細品題  
策蹇幽人眞僻好  
夜深猶自踏香泥

齊

不住山巔卽水涯  
素心端共野雲偕  
獨憐凡卉彫零盡  
誰向雪中作冷儕

佳

丰姿綽約絕塵埃  
世眼誰憐閨苑才  
莫道東風渾美意  
不催花謝祇催開

灰

無懷民與葛天民  
疑似從教兩逼真  
悟徹楞伽空色相

滿園桃李任爭春

真

似怯寒威酒半醺天然秀韻冠花羣漁人莫認桃源路

日逐晴霞踏亂雲

文

白石峻嶒孕古根晚煙漠漠澹前村寒霜任爾迷荒徑

自有山風爲埽門

元

水晶簾捲漏聲殘笑倚瑤階十二闌最愛孤山林處士

風流瀟灑一般般

寒

一種高標莫可攀天公特許占清閒何當雪夜黃昏候

獨立東風破笑顏

刪

不是矜奇好占先臘前羣共讓清妍笑他蜂蝶渾無識

未解尋香冷落天

先

叢英歲暮歎空條節比松筠晚不彫時跨蹇驢訪花信

滿林香雪度溪橋

蕭

爲訪名花出近郊攜筇踏徧水雲坳眼前冰雪都知己

莫祇東風說舊交

者

羞共繁英鬪富豪兩三疏藥傍東皋花中自合推仙種

不解仙源只種桃

豪

蕭蕭古幹半橫坡花信衝寒近若何還有雲山山外境

夢魂踏徧幾青螺

歌

幽懷僻好是煙霞非傲瓊林富貴家莫遣信風吹五月



江城笛管動悲笳

麻

日向雪中覓早芳多情應說孟襄陽  
冰心一片清如許

冷眼相窺鬢有霜

陽

照眼冰華一片明當窗疏影正  
敲橫逋仙去後無知己

祇有青山不世情

庚

草衰木落歎彫零獨挺仙姿倚石屏  
隔歲故人重見面

渡江春共柳青青

青

一簾霜月共清澄幾樹先春到  
灞陵嚼碎瓊英香透骨

憑伊面目冷如冰

蒸

詩人多愛說羅浮南國馨香品  
共幽幾度相思驚短夢

橫窗疏影正當樓

尤

何不高生泰岱岑免勞詞客說知心瓊姬久斷塵緣念  
翠羽啾啾對夕陰

侵

忽聞春信到江南空谷香生已半酣祇恐芳名畱不住  
雲山深邃有人探

覃

窮厓生意正幽潛隱隱瓊姿吐玉尖且喜素娥能耐冷  
冰霜慣見亦無嫌

鹽

東風一夜啟瑤函開到羅浮第幾巖轉眼枝頭看結子  
誰從味外辨酸鹹

咸

香比眾芳清春先羣卉動雖不是花王也應號花總

董

映雪花氣清鬪雪花力勇同居草木中先受東皇寵腫  
芳姿藏野岸疏影橫孤港幾陣東風來劈頭喝一棒講  
獨醒復獨清非隱亦非仕應知梅聖人高出蓮君子紙  
骨重而神寒品清而貌偉雖占百花魁翻居百花尾尾  
格調近皇初伯仲見伊呂天下第一流孤芳誰與語語  
喜共松筠交羞隨桃李伍東風雖見憐不受狎與侮慶  
花中有連枝伯仲同一體除卻梅無兄餘盡呼作弟莽  
瘦骨傲冰霜繁枝盡脫解本來耐歲寒不用著驚駭蟹  
但有梅花處應稱香雪海一任花開落自饒清芬在脂  
慣爲春傳信能先花作引祇此寒威中也虧伊獨忍軫

發洩見才華韜藏知底蘊超然而遠俗山谷一高隱

吻

品格最清高風神常澹遠斜出三兩枝都堪入畫本

阮

臘底無羣花獨梅霜萼滿人間花氣清但說春風暖

早

山林枯槁性不入時人眼吐萼趁東風梅花猶色報

潛

開到春和日寒花已大展把酒賦新詩清興極不淺

銑

山風吹木末嶺雪出林表索笑到更殘清冷不覺曉

篠

賦性愛山居煙霞曾素飽孤芳祇自知不用蜂蝶攪

巧

人愛說園林我愛說山島園林多翦折怎似山中好

皓

美人何骨立久不食煙火俗眼愛癡肥清標無一可

寄

栗栗歲寒中芳心聊一寫瓊姿開徧後無復尋香者

馬

繞屋種梅花孤芳誰與賞願結素心人吟情發妙想養

官閣多清興時造幽絕境月中尋冷豔誤踏梅花影梗

我欲與梅交常恐梅未肯洗滌塵土面好伴孤山頂迴

梅不自稱先花盡甘居後梅亦無如何勉向雪中守有

雪裏花爭放香風時到枕我欲和雪片共作梅花飲展

花多愛處濃梅獨甘居淡本欲讓羣花花花都不敢感

臘底尙無花雪中偏有豔丰姿自綽約不用燕脂染珍

疏疏兩三枝月下依雕檻任他渾寂寞風味殊不減賺

月影半橫窗寒花時一弄人地兩清幽一枕來香夢送

何時結茅庵盡把梅花種花下日清吟杯盤多不用宋

品格最清高甘心居陋巷與雪對爭芳寒香未肯降  
日來詠梅花微領其中意欲爲解人言翻覺無一字  
任移金谷園終帶山林氣落落此清標逾看逾有味  
梅固具仙姿恬退如處女試看嶺頭春多在雲深處  
素守冰霜操深得閒中趣彼自占春前一任羣芳妬  
平素無顏色雪中應得計誰知甘淡泊不仗東風勢  
身住白雲中香飄白雲外任他風雪寒自樂乾坤泰  
嶺上一枝春攀折渾不怪可憐冰霜姿浪向街頭賣  
若論歲寒交疏篁本一輩不道引清風也搖花影碎  
梅在卦爻中爲復亦爲震陽氣初回谷傳徧春風信

震

隊

卦

泰

霽

遇

御

未

真

絳

託根山谷中寂處無人問自解吐孤芳林閒增秀韻問  
確乎不可拔遯世而无悶先出體乎乾退處合乎艮願  
瓶內供新梅花開餘一半大美不可盡留取後來看翰  
生來幽谷裏冰雪久經慣閒中細領略分得香一瓣諫  
濛濛煙雨夕懷人多繾眷幾度風頭立尋香渾不見霰  
百卉競春光嫣然共一笑能解香外香自得妙中妙嘯  
香是縹緲香貌是安敦貌知仁皆合體山水應同樂效  
雪裏放瓊花幽深境獨造並非梅趁春春是梅花報號  
惟富最堪憂惟貧實可賀清如林處士但教花滿座箇  
梅是山中老如何肯浪嫁我來欲辭婚一任林逋詫禡

骨立當歲晚氣足而神旺祇爲洩春光至與柳同謗  
中庭懸皓魄素萼含貞性冷豔透窗紗一簾冰雪映  
籬落出橫枝冰多力不勝東風幸見憐爲埽雪三徑  
如何枯槁枝偏饒十分秀鎮日費苦吟人亦如此瘦  
黃昏疏影動滿地餘清蔭皎皎貯冰壺一輪明月浸  
花多爭向榮梅自甘處暗苦無花更先先梅梅不憾  
賞花須酌酒策杖到村店梅來索我詩我又負梅欠  
梅在雪中開花光常泛泛我自守歲寒不爲東風賺  
何日遂素懷買山作歸宿繞屋種梅花暑日梅花屋  
我欲作梅詩恐梅笑我俗掩卷費沈吟擬向夢中續

沃

屋

陷

豔

勤

浸

宥

徑

敬

濛



疏影橫窗桁蟾光上屋角幽香何淡遠一枕夢初覺覺

閒坐品羣花花中分甲乙百卉不敢先讓梅居第一質

陵谷生雪霜到來無一物玉貌何翩翩清香自鬱鬱物

宜雨又宜煙宜霜又宜月合此四者全挺然撐瘦骨月

四野山光淡梅林煙一抹自帶雪中香寒威盡擺脫曷

漠漠寒宵靜蕭疏氣挺拔誰憐深谷裏香雪冷孤剎豔

到來有梅處便覺境幽絕望去滿林霜盡是花光結屑

冰鴉橫枯幹花開滿籬落清香縈冷夢自有此中樂藥

寒夜適孤興雪痕侵履迹折來瓊玉枝畱作座上客陌

月影上東牆花光亂粉壁非不畏冰霜冰霜久經歷錫

雪中吐寒萼，頗見支撐力。我自不濃妝，無勞脂粉色。職

自具山林性，枯枝猶峭立。風來香氣清，月照花光溼。緝

草木知春意，寒梅破歲臘。到來風月清，望去雪霜雜。合

開向雪霜天，有花未有葉。渠自噴清香，不引穿花蝶。葉

香自無雙品，名先第一甲。有花還有子，待試作羹法。洽

右一百六首見先生手書梅花全韻詩冊冊藏  
余家與塘樓朱氏所藏之稿本字句間有不同

蘭谿城下宿汪啟淑寓館

三年相見歎更生，愁絕羈孤遠。戍情爲汝江城留，一宿

荒池跳雨月微明

贛州傷王總戎濤卽題其浩氣集後

章江東望颺檣烏太息元戎此寄帑見說粟姚工踟躕  
豈知征虜善投壺蠻荒笳鼓開詩壘瘴海風雲入陣圖  
萬里一棺歸未得尙容徐孺奠生芻

龍祠避暑四首

全集錄三

龍湫百步漾漣漪正是炎風扇午時寫出清涼好光景  
水亭高下竹參差

同張明府

甄陶

游海幢寺四首

全集錄三

試豎風旛義遲回到日斜涼陰宜借榻獨客已忘家磨  
衲非無願畱詩恐被誹山廚珍重意破費幾團茶

題黎美周蓮鬚閣集後二首

天上宮詞意蘖存青衫五度踏修門春官一第嗟難得

黃牡丹翻作狀元

美周天上宮詞云奏定人間新貴榜案前偷戲得頭名

一管霜毫五石弓毀家紓難颯英風虔州碧血堅難化  
遺恨猶應作鬼雄

欖溪麥氏以昌華苑懷古題開社得詩千首而順

德潘守戎

憲勳

獨冠一軍其潤筆則東坡全集而

以銀盃線紗薦茗帚筆副之亦數十年來一盛事  
也守戎招同人集鏡巖山房賦詩以紀予亦有作

三首

全集錄二

嶺南詩社劇紛麻蜚唱蠻謳盡作家只有鏡巖風格好

筆鋒掃處卽生花

王欽州

士瀚

許遊城西諸寺久不果諾詩以促之  
王郎一別幾春冬許我閒坊共放慵諒以同官敦夙好  
更因孤客壯遊蹤花明不見開清醕歲晚仍教負短笻  
閒寫小詩當索笑幾時真聽寺樓鐘

查十一上舍

錫純

以西坑舊石見餉用山谷李少

監惠硯韻奉酬

驚風彫葉催窮秋飲徒索醉不肯休三峰窈窕出樹杪  
探策直造林堂幽水窗開豁岫幌啟瘦几瞥見青花浮  
犀紋宛宛吐香爍頰凹激激環玄正紫雲割斷無處籜

吹墮雁翅城西頭麝煤醉磨黑蛟舞清淚夜滴銀蟾愁  
湘簾不捲洩峽雨蒼潤欲挾江光流多君鄭重肯割愛  
脫手揮贈非予求研經紛綸縱遐覽琢句苦硬勞冥搜  
文房石友堪伴老蚶蛤筆弱語子煩包羞

丁處士書來得悉近狀卽用爲寄

病久疑君死書來百病無雙瞳新刮膜兩耳更垂珠陟  
嶺先猿到餐霞並鶴癯嗟予蒲柳質凝望意先輸

羅田羣賊有不軌之謀馮大令

孫龍

不能先事解

散竟死 國法前憫愚氓之無知後以悲大令也

二首

可笑么膺細昏迷敢不恭徒思鬪蝸角竟欲旋蟻封熏  
穴謀眞壯搜林勢未終時平官稅足何不學耕農

楚風原剽悍

王化自清夷虓闕終何益愚蒙竟不知猿嘯荒縣溼鬼  
哭旅魂飢追念平生意中宵淚暗垂

哀蜀二友二首

柴市同歸日難招萬里魂岷峨半天秀烟霧九秋昏左  
計人誰惜遺文世或存

聖朝無屈法秋肅卽春溫

廿載簪裾接紛吾獨見欽秋窗驚綺製蓬閣繼清吟芳

訊河中斷霜毛劍外侵不堪生死隔枯坐對愁露

書樓寫望

著意添衣緩裹頭支持冰骨住炎州靈風墮處長牽夢  
好雨飛來不浣愁翠管銀罌交寂寂青天碧海兩悠悠  
寒林戰葉驚吹盡一桁斜陽獨倚樓

得閩中諸故人書卻寄二首

全集錄一

高館禁寒細雨中七閩書到見深衷重關雁稅徵長缺  
窮海妖氛洗一空

謂新將  
軍柱

說士監司工齒論

吳觀察謙  
誌力爲舍

弟榆

揚飛書記室愈頭風

謂王上  
舍炯

豈知瘴嶺離家客側目

天衢愧冥鴻



用前韻寄呈翁徵君

照

方秀才

德發

全集所錄

雨中看山韻也

川涂限脩阻人事困悒快侵晨啟南窗  
曖曖閉岫幌所思江淮間經歲闕音響  
太息雲霄姿老大尙草莽方兄卧江城傑閣送西爽語羞蚓竅鳴疥甚馬背癢室有咏絮才冰壑供幽賞緘書致拳拳接月意先往

再用前韻懷抱經亭寄城南諸老

城南一角亭別去長怏怏涼風攪竹林冷月浸書幌近寺送佛烟隔嶺答樵響巖雪見坳凸山雲畫草莽秋潮時殷肱毛髮肅森爽呼鐙續苦吟有似抑痾癢已釋域中戀兼獲塵外賞曩迹歸可尋所惜年運往

歌筵有感亡姬成六斷句 全集錄四

竊藥仙蹤說不休  
霓裳肯寫別來愁  
蟾宮想是逋逃藪  
不遣姮娥伴白頭

虛館沈沈欲語誰  
夢中惟有小憐知  
自從婀娜探懷去  
逢著歡場涕便垂

漫興四首 全集錄三

病欺衰老侵尋至  
愁戀羈孤次第生  
服食無書問鍾乳  
還丹有客餉黃精  
鐙來黠鼠穿梁下  
飯罷飢鳥上案行  
道是愛閒閒不慣  
依然吟到月華明

梅花

冷淡還思濁酒傾梅花消息倍關情羅浮有夢香仍遠  
嶺嶠無冰骨更清茆店半開春盎盎莎橋斜卧月明明  
飄殘不肯污塵土卷入東風點翠旌

冬日雜詠十首 全集錄八

清娛愛對短長檠廡下賃春有二生華月一輪吹不墮  
三更畱照讀書聲

謂從化李生德敬鄧生文表

記是梅花樹下僧一餅一盃一孤藤東藍西寺都尋徧  
只少清宵借佛鎗

送顧 大本 陳 正學 之蒼梧

二客蒼梧去蒼梧望九疑連天脩竹暗下瀨一帆遲晏

歲資生亟荒塗貰酒宜只愁吾寂莫先問到家期

約牛年之

火

苦屋

西風一夕捲茅檐臘後呼工次第苦壓檻枝狂憑鳥占  
上階痕綠任苔添齋如野艇編黃篋樓近山城軸畫簾  
槩几繩牀粗位置清寒誰似老夫兼

十二月二十九日雨中同潘

憲勳吳元治

作三首

全集錄二

淨洗蠻江瘴酸風稱蟄棲鄉愁隨雨斷清溜到階齊茶  
籠頻移近蘆簾特放低蕭閒好時節只是意淒迷

癸酉元旦是日立春

客裏年時草草過寒衾漸覺轉陽和朔頒寰海春光整  
晴借衡廬喜氣多太族始逢吹玉琯師干欣覩洗金戈  
昇平一老言辭拙寫出衢歌當凱歌

送潘憲勳還鳳城

三載休官住窮愁與更新喚船尋老伴倚杖鬪吟身丁  
字荒江水辛盤隔歲人到家應失笑已換鏡巖春

連日同人小飲止山堂梅花下簡盛上舍

世揚

二

首

短巷晴莎輒嘉招步履頻梅畱殘歲尊酒泥蚤春人素

壁迴鐙豔枯碁算劫新耳邊鄉語熟客裏倍情親  
好客應須酒看花可少詩清吟君最擅爛醉我何辭冷  
蕊時窺座飛禽忽踏枝眼前生意足不用慰衰遲

元夕訪李上舍

瑋朗

一簣山房

歡攜鷗侶踏溪塍來叩山肩藥犬磨小徑碧滋春草色  
秀峰晴展翠眉棱清光透影池邊月密葉障風樹裏鐙  
消受蕭閒好良夜酒酣餘興尙飛騰

十六夜復集山房

春風接席又開尊碧樹銀燈一例繁阿娜晴花知戀舊  
間闌語鳥解畱髡姮娥斂豔遲遲出仙館追歡細細論

未析宿醒今又醉展茵吾欲卧雲根

雨中何監州耿陳兩上舍見過二首

昨日春寒劇僧寮共覆碁今朝孤館坐春雨又飄絲短  
展連翩至清才次第施羈愁無處遣只有此相宜  
三子東南秀天涯豈易多殷勤理情話辛苦學陰何小  
筆春添秀衰顏晚更酡東風肯相借期爾日來過

答王日永

蕭晨蕭寺集清才親見王郎整屐來淺學春風圍麗席  
輕裘斜日上香臺青雲乍喜今纔附紅豆頻煩後更栽  
漫道汝南高月且敢將黃憲比顏回

集素舫齋詠春陰

如船矮屋入新年雨後偏慳曉日鮮  
芳草客尋行藥地輕陰人住養花天  
檀欒翠竹清收影澹池荒池冷暮烟  
山鳥錯疑巖谷暝飛來長繞石牀偏

送程學使之惠州

淡日題襟浣別愁朝來水驛悵分頭  
羨君滿載坡翁客春雨開帆入惠州

題顧

大本

新居四首

全家安穩住珠江巷轉黃泥靜吠  
龍爲聽雨聲開菌閣愛畱山色拓  
雲窗蠻花壓檻能干日海燕穿簾  
定一雙



笑我寄人籬下住對君才調氣先降

赤壁千秋寄美蹤雪堂嘉號不妨重謝莊賦裏應增入  
坡老歸途定過從清白家風標玉署冰霜心跡託遙峰  
歲寒松竹真相稱請誦斯干樂再終

蘭楣更捲一重簾窈窕房櫳次第添背郭晴嵐開畫障  
隔林濃綠壓雕檐嬌兒據案花侵牖小婦登樓鏡啟奩  
料理筆牀茶竈了也應吟避曉風尖

開爐日日鬪閒身臘尾銷除又一旬細草輒扶穿徑屐  
光風先奉倚樓人三條樺燭商量夜幾朵疏梅漏洩春  
卽此幽居堪逸老底須頻憶鏡湖尊

社日徐公子

士翔

載酒過六榕寺

荏苒春深社日逢  
喜君載酒爲治聾  
佳晨易過心先惜  
寶地頻來興轉濃  
衣桁翠凝松際露  
吟筇清應寺門鐘  
諸天粧點琉璃界  
更遣繁花壓一重

雪堂梨花

長恐輕寒瘁玉肌  
李前梅後有深思  
溶溶夜倩蛾眉照  
淡淡香容蝶翅窺  
天女散餘嫌粉白  
雪堂開處悵春遲  
詞人老去愁無那  
禪榻時來鬪鬢絲

過文明門見木絲花再賦二絕

晴壓覺堂幾樹紅  
絕無絲葉有春風  
儂家木筆分明似

添畫胭脂便不同

只和柳絮撲雕闌不共蘆花漲碧灘可惜向春零落盡  
西風依舊客衣單

鹿池山莊圖三首 全集錄二

溪深不沒狗樹大可蔽牛有時棹瓜皮吹笛煙波秋

慰魏三孝廉 大文病足

履跡經旬斷酒徒閉關只學半跏跌冷思白社藤牀坐  
嬌泥紅闥玉腕扶行藥未能拋短策踏青頻詫負春蕪  
層霄一夕雷車疾看子飛騰萬里途

端州觀碁六絕句示全山長

昨日屏風嶺上行  
水田遙看似碁枰  
與卿共買雙頭耜  
春雨荒原約耦耕

巖嶠峰腰有嘯臺  
天風吹洗少塵埃  
筍皮冠掛松梢上  
曾與仙人對局來

端坑蕉葉剖來新  
正好從容賭玉塵  
身在橘中甜味  
美更煩二叟削青麟

百年世事劇無聊  
蟻鬪蝸爭浩劫銷  
殘子算來零落盡  
轉思荒服作行朝

縱橫方罫幅員長  
可笑么麼也跳梁  
只用斜飛侵一角  
眼看妖孽埽天狼

誨弈深憐此老癡少年跋扈擅雄姿  
謂梁生新寰中萬事青  
藍謝不獨枯碁有俗師

畱別端江諸子

懸崖撰杖意非輕推挽衰翁上嶺行  
睇眄欲窮千里目登臨真有百年情  
盃中海水遙遙瀉足下青雲漸漸生  
看取貢書來蚤晚吹笙爲子補由庚

長青庵

石頭庵畔路送別踏青時照水崇禱塔  
畱人幼婦碑江天自清闌禪窟幾遷移  
珍重山僧意談詩一解頤

雨宿羚羊峽

江天紛暮色風雨自遙岑  
獨客羚羊峽維舟古寺陰  
齋鐘入遙夜戍火失青林  
咫尺沙洲路輕筇悵失尋

江行卽事

高峽回頭別澄江又幾灣  
掛帆長利水酹酒九坑山  
煙際舟人語天邊倦鳥還  
儼鱗剛出網晚飯正相關

葉上舍

希元

送余至仙城畱二日卽還端州悵然

懷之

侵曉扁舟發先期彼美要村深  
逢浣女月上鴛鴦潮細  
兩行旃溼殘春別緒遙江風不畱客  
欲遣酒旗招

寄張司馬

汝霖

宣城十首卽次其晚秋病起述懷

元韻全集錄八

海邊喜遇歲朝春香剖黃柑脆嚼菌眼看殺機湖海徧  
也應畱箇葛天民

海雨江風下筆該新詩字字泣瓊瑰莫教流入蠻鄉去  
布紙書完四百枚

次耿三上舍雨過海幢寺韻

海上誰能駕石梁操舟時怪去途長笑談喜有彌天釋  
還往愁無縮地方黃稻揀沙蒸飯軟雜花吹雨漉衣香  
年來自信噴癡絕蠲忿何勞夜合棠

搗藥

卧聽嘈嘈屢撞胸，知因搗藥挽衰容。  
倚天仙杵研香細，應節秋砧答響重。  
月窟兔分雲裏碓，荻洲童急水邊春。  
似聞一路幽禽喚，身到羅浮四百峰。

三月二十六日，文武大吏蒞磔兇渠於拱北樓下。  
是夜雷電交作，澍雨立應，喜呈蘇大中丞。

謹聞拜

闕戮長鯨鐵騎俄，周雁翅城拔地震。  
雷宜勅法登樓談，笑亦祥刑歡迎玉。  
女看噓電倒注銀河爲洗兵，天賜不  
才安飽食快磨盾鼻頌昇平。

遊長壽庵，阻雨不果，集素舫齋。



寤寐招提遊未到枝已憺聯吟欣相招出郭矢遂往誰  
歟鞭癡龍飛雨急菰蔣初時咒鉢生俄頃徧寶網寒雲  
望香城咫尺阻河廣衝風棹迴船仍就茅屋賞溶溶潤  
簷深簌簌穿樹響續續共酒斟悠悠互相餉吹香散餘  
花送潤上青幌捶琴抒古情棲毫滌凡想了悟金石齋  
自具烟雲養相期穩青鞋冷謝僧接杖

寄題西樵山逍遙臺

夙聞白雲洞哈呀接青靄雲歸洞門陰天風裊蘿帶突  
兀逍遙臺獨立崖丁外脩阪欹松篁斜川冒蕭蘋翠鳥  
時一來梳翎出潛蒼頗疑漆園吏妙質此冷汰荒唐衍

齊諧扶搖軼煙盞欲往慳仙緣凌緬寄深嘅

胡孝廉

國林

招遊長壽庵

竹輿凌曉度重闔來與香林認世親  
經閣眺窮飛鳥外石橋行踐碧苔春  
觀碁試算恆河劫施食先邀百衲人

講寺僧  
戒度

斑筍迸泥荷出水一由延地破愁新

過離六堂傷石濂大師

離六堂深坐具空低徊前事笑交訂  
蹲簷怪鳥穿花當穴壑脩蛇出水筒  
瘴海餘生驚噩夢荒塗殘劫換西風

紛紛志乘無公道締造緣何削此翁

省府縣志皆  
不言師建寺

送徐公子

士翔

歸黔南鄉試兼簡其尊人明府

攷

於長寧

莽莽牂牁水合流扶搖風健片帆收雄才已奪千夫氣  
歸路仍爲萬里遊官舍晨昏違子舍柳州風景接黔州  
秋深看爾飛騰速一笑鄉書慰白頭

報資寺去城西一里而近方塘數畝石牀無塵榕  
陰蔽之上不見日禪窟中第一清涼地也五日偕  
客出遊徙倚其下日夕忘返以詩紀之

曲巷紆威費筍鞋一扉啓處水松排石牀風定或畱葉  
菌閣潮生長到階綻衲老僧呼短杖炊茶童子拾枯柴  
多生結習知難忘寶所歡來眼便揩

題錫公子

舒承額

畫冊四首

藥徑接塘切莎橋枕溪口因風帚漣漪愛此水楊柳琴  
含太古春寤寐見魯叟期君臨流張潛魚或延首

涼館遵谿路谿流曲而互瓊瓏奏虛籟脩竹莽無數蔭  
密先借秋響積誤聞雨政須四公碁算劫不嫌屢

秋雨無炎情秋士絕凡想矯首睇青旻抗懷謝俗獎勁  
筆翦溪光清吟動巖幌不須種紙成桐葉大於掌

苦吟愛硬語妙畫尙瘦格肯與二者較只有梅不忤疏  
花月頻窺橫枝雪微著折遺翠裊人吹香度簾幕

題獨漉先生遺像五首

南村晉處士汝社宋遺民湖海歸來客乾坤定後身竹  
堂吟暮雨山鬼哭蕭晨莫向匡門去霜風政撲人

秋井苔花漬荒廬蜃氣蒸飛潛兩難問憂患況相仍柱  
策非關老裁衣祇學僧淒涼懷古意豈是屈梁能

巢覆仍完卯皇天本至公蓼莪篇久廢薇蕨採應空劫  
已歸龍漢家猶祭鬼雄等身遺著在泉下告而翁

嶺海論風雅平生一瓣香曉音動巖壑幽意到羲皇掩  
卷驚波定停盃落日黃清高仰遺像肅拜涕霑裳

袁粲能無傳嵇康亦有兒古人誰汝匹信史豈吾欺寂  
莫今看畫蒼涼祇益詩懷賢兼論世淒絕卷還時

送胡給諫定還

朝二首全集錄一

調

帝承明近毋忘大小東貢船開獨蚤硯石采愁空米價  
增三倍鹽場備五窮掖門丹筆在一一繪民風

題羅秀才

天俊

詩後三首兼簡賢兄孝廉

天尺

江東詩客豔三羅持較君家恐未過看徹比紅兒百首  
阿虬才調本無多

門仞知從瘦暈來

瘦暈山房  
孝廉所居

秋窗珍重一編開眼前不

少麒麟植席帽青衫愛汝才

海幢禪悅偶留題遠累勞勞屬和齊拈出鐘聲流水際

對君不覺葛巾低

海幢丈室坐雨

披襟半日坐清光  
梧雨翻風葉葉涼  
忍草著花承屐翠  
篆煙留潤出簾香  
同登海國三摩地  
要借山僧四大牀  
咒得毒龍歸鉢臥  
墨雲依舊壓檐長

對月和陸秀才

謙

明月殷勤肯照人  
疏窗幽樹似深春  
鉤簾坐愛吹孤管  
滅燭爭看湧爛銀  
浩浩風從天末至  
團團光向海門新  
酒闌知爾清無寐  
倚檻應憐萬里身

爲李 題像四首

屈首蟲魚瑣細箋，嬾非禪誦拙非仙。只因不與時宜合，  
錯被人呼作李顛。

瘦骨撐衣傲夕陽，看君行樂與君商。一條拄杖無人管，  
著個樵青也不妨。

百年多病臥江城，不役心兵役酒兵。便乞陳村三百斛，  
與君談藝到天明。

家猷國憲一編儲，六代才華百琲珠。他日招真開別館，  
頭銜仍是列仙儒。

耿上舍招集報資庵道暑

追涼特地訪三門，道是村居僻過村。松頂鶴巢時墮羽，



石牀佛指尙留痕倦便野岸披襟坐靜愛閒僧啜茗論  
行到水窮幽徑出春浮樹下別開軒

魚關別周公子

承厚

魚關一相送談藝竟忘疲山月今朝黑江湖累日移閒  
坊仍頌酒高閣且圍碁獻歲當重過梅花莫恨遲

九日泛觴蒲澗

天井疑同谷鳥窺果然絕磻境幽奇穿崖泉向蒲根語  
過嶺雲從樹杪移九日浮盃仍世尙孤坪濯足豈吾期  
帳畦歸路荒陂晚一段秋懷待寄誰

舟次石門阻風

風勢今朝緊收帆在石門短裘江上路孤權客中尊斜  
日荒荒白遙波莽莽渾靈峰看不見莫色政須論

鈔高臺

白雲滿高臺拔地已千尺一杯薦溪毛重是過嶺客

送保昌高四明府

坤

奉母之任

控嶺觀形勢浮江接笑談放衙吟莫色開閣對晴嵐驛  
使先梅到官程逐雁南不須勤望遠鼎食白頭甘

答吳

城見懷

歲序頻移箭寒威漸逼人山禽如我瘦江月到門新客  
久長疑夢愁多不當春家鄉足朋舊感爾寄書頻

濂泉

誰移泉脈灑廉纖倒掛懸珠百尺簾  
吹急政愁風隔斷飄殘恰好雨相兼  
流歸碧澗滋蒲葉飛向青天溼桂蟾  
竟欲寫成行卷看畫工翻恨筆頭尖

月溪寺

山僧愛月穩山棲乞食歸來月滿溪  
斜夜水涵千影動半輪光照數峰低  
稿裳靜掠寥天鶴紺雨春迷報曉雞  
借與佛樓剛一角推窗政好住池西

六榕寺馮孝廉

公侯

祖席二首

送客南朝寺江風掃塔雲坐邀祇樹蔭  
衣借定香熏野

衲參詩律孤羈惜雁羣卅年行役意與子更相聞  
古壁開殘照疏花點筆餘飛騰看爾遠寂寞嘆吾居冰  
合渾河道風清冀北書春明雖得氣還恐念門閭

寄鍾明府

作肅四會

七月登臚別崢嶸又歲除官銜頻改換賓從自應徐  
四光昭綠酒三升足黃柑二寸餘  
四會出柑甚美江天有衰老  
何以慰離居

懷汪啟淑  
蘭谿

放纜津頭路別君江上峰詩來見瘦格書寄慰愁容小  
病關心屢殘春屈指逢三閭高閣穩未覺著書慵

謝錫大將軍惠黃精

返黑思黃獨羅浮產最良  
斲來鴉觜膩馱送馬蹏香  
靈液蒸丹竈山苗曬石梁

羅浮有葛洪丹竈二山相接處有石如梁曰鐵橋

方言

聽漸熟知是野仙薑

寄懷倉觀察

德

兄弟端州

嶺海茫茫賸一身感君兄弟倍情親  
平安碁局呼鎗慣乍換歌頭點拍頻  
莫雨烏篷開遠水西風黃葉感蕭晨  
清詩寄與應惆悵知我難忘兩妙人

粵秀山晚眺

吟鞋忽踏翠千重突兀高松刺眼逢  
野氣跨江開夕照

媪神鞭地起奇峰倒盤窄徑蟻封細同上三門馬力慵  
極目政愁傷旅思殘僧又打隔雲鐘

梅花獨立圖爲僧

如玉作

梅花如高僧傲骨截寒鐵春風桃李伍並豔意不屑高  
僧如梅花冷澹見孤節荒荒萬山空獨立意頗拙借彼  
四禪風吹出千片雪眼明瘦帶飄耳飽清磬噎隨身一  
枯藤赤腳踏冰裂

陳秀才

世堂

遊羅浮歸以蝴蝶蘭丹竈丸竹葉符

見詒報以二律

幽禽喚客入林齊方物勞君次第齋柏葉密封三寸蘭

露華新擣一九泥，  
漏瀾豫想仙裙豔。  
下上愁尋藥竈迷，  
何日醉騎蝴蝶背，  
招真同過石樓西。

深山蛇虎久潛遁，  
爲有蕭梢竹葉符。  
冷共女青森鬼律，  
巧憑蟲篆繪靈圖。

道藏以符錄爲靈圖

吹來石洞雲填廓，  
疊向巾

箱墨印膜，  
夢想劉仙壇畔坐，  
翻翻細認不模糊。

歲暮雜題十首 全集錄八

順德伍秀才安行詩卷

斷壑蕭寺播儒風，  
誰解燒豬奉乃公。  
千尺修廊恣塗寫，  
祇應先辦碧紗籠。

王少參墨迹示李大作

筆迹每從書卷得無書終是縮秋蛇紛紛匠氣塵中滿  
誰辨書門是作家

送王秀才

虔

歸里省親

客歲同爲客歸期讓爾先重衾溫峽夢孤棹破蠻煙過  
嶺鄉心活循咳樂事偏江城高臥穩已辦草堂錢

濠畔放舟徧歷城西諸蘭若

河濬初進艇發興自今新遠岸徐青柳飛禽故傍人城  
迴頻問寺風定始知春徑與山僧約清遊判此旬

羅孝廉兄弟自石湖拏舟過訪

獻歲操舟易風帆屈摺行石湖春信早相送到仙城入



坐山衣瘦論詩遠夢清股勤攜令弟不是逐時名

石湖九題爲羅孝廉作

石湖行藥

運思能困人爲文亦傷命一笑石湖春猶然諧競病

九曜問奇

惠公人天師於學靡不識不知執經人所問果何字

昭陽磨鏡

故人已化鶴峽月悵孤映蒼茫下江船生理亦磨鏡

玉山披卷

精廬出山半玉女洗頭處寒侵小有天吟破青崖雨

大孤卧雪

荒江同一雲去鳥任明滅七尺孤篷中臥看大孤雪

禹山論詩

十子盛誇閩五子盛誇粵不有張爲圖主客果誰核

梅嶺鴻音

川江窈而深粵嶠修且廣迢遞一行書飛鴻自來往

雞皮奉瑩

十月桐復華三年艾方獲護背烹伏雌不餉以嘉客

孝廉

母病危急十月中軒前  
梧桐闌花二叢旋愈

丹泉試茗

兔琰二十湯細啜如登仙朝朝牽玉虎家自有丹泉

喜李曲沃

卓撰

至自香山集素舫齋耿三度曲小

童吹笛和之

蹙然有客欵重局選日相攜到草亭詩骨瘦含鷹竇潤  
壽眉濃帶太行青滿拚高論狂驚座誰送清歌妙入聽  
湖海心期幾人在青絲珍重挈雙餅

蘭湖奉訪前輩辛翰檢

昌五

不值

散策過蘭若懷人成勝遊閒僧知問訊吾友失淹畱樹  
影亂行跡湖光吹莫愁只應憑短句題作小靈洲

李山沃招遊報資庵

僧廬無炎情清絕破塵杻涼風一相招靈境落吾手  
渙青瑤流森似炭谷湫荒寒蛟脫鬚倏閃魚麗留一榕  
大蔽牛臙腫類我醜窺池出半身獨立待客久選石苔  
生衣亟縛埽花帚喧禽故趁人飛上水楊柳

簡葉開平

重秀

夫君四歲領花封清似峨眉雪後峰  
教衍一龔徵禮讓政通八蜡及坊庸  
遠馳珍藥扶衰叟曾以雅連見簡  
徧歷春疇  
儲老農仕路糾紛苦無援空煩惇史記芳蹤

馮

公侯

歸自京師集魏家池上作

吟袖判離動隔年時時凝想棹航船  
風迴綠水人初到

花發西堂句較妍清夢定隨梅嶺月生衣未浣鳳城煙  
自嗟流滯長爲客翻羨歸鄉勝得仙

題潘

祖棟

愚亭遺稿後三首

蘭芽誰分菱輕塵一種清詩十九春待到明年作文賦  
定應驚倒選樓人

茂苑牽衣子職該援毫終日坐春臺九原一事差堪慰  
獻賦親瞻

日角來

愛河情嶽兩糾紛誰解彭殤一例云墓草紅心江月白  
西風愁問顧參軍

同吳

亭潘憲勳

羅元煥

飲游魚洲黎家茅亭

洲上茅亭古煙巒入望勞浣娃秋弄影搖漾碧天高江  
勢晴逾出遊棕晚更豪擊音忽相喚宛轉度城壕

過陳生

敬修

城西精舍

苔巷開殘照江關帶晚秋披襟松樹古留客草堂幽野  
色分檐影鄰鐘接磻流窺園聊復爾吾亦媿何休

爲李少尹

定業

題琴亡圖二首

哀弦中斷鏡鸞分絲綺難求指上聞花乳一拳留鳥篆  
孺人爲少尹篆靜中天趣一印雲藍三寫認蠶紋空令入室瞻遺挂何  
處營齋施去錦翬秋鬢潘郎對灘水畫簾微雨正思君

清音瑟瑟繞林於張女彈來定不如新月眉彎添晚黛  
秋風鬢影閉寒廬縱橫畫篋千絲繡摺疊空箱幾卷書  
孺人著有琴畧女範等書今日披圖花滿縣夜臺應博笑顏舒

用東坡游羅浮山一首示兒子過韻題楊制府

應

瑠羅浮詩後并寄靈峰僧

願子

楊侯才大世莫京適興偶以詩一鳴蠶紋細字寫一卷  
孤月映看雙眼明羅浮有願決策往萬松鳥下濤瀾生  
梅村晴遣仙雀探藥院夜叱青羊耕蘇深丹竈訪葛令  
經守素女吟商彭石樓欲上雲忽橫兩腋栩栩綠骨輕  
枯藤一枝君健倚好峰四百誰聯吟阿師餘事擅弘秀

卓錫有福窺金庭飢來松黃可充飯倦恃虎子能馱經

鄭思遠事

見羅浮志芟除菅蒯縱遊屐磨洗崖壁饒新銘妙從山

水得仁智肯以止壑售公卿置身鵝頂七萬尺初日恰  
與眉稜平

兩府招同錫大將軍曹馬兩都統李樞使公餞衙

齋喜劉侍講

星煒

以視學適至

絳樹歌清舞袖環肆筵敬餞野人還緇衣喜永千秋好  
幕府叨陪一日閒人在烏臺知夜曙坐鄰虎旅怯顏孱  
豈圖六戟雙旂外又對中朝玉筍班

定公房看菊園德上人爲鼓石上流泉之曲



浩然歸思客秋牽，又爲黃花住一年。  
落木高城山色迴，夕陽蕭寺祖筵偏。  
酒參別緒難謀醉，句帶寒香不離禪。  
恰好阿師剛出定，七條絃上瀉流泉。

立冬夜願

正謙

陸謙

過別

石友天涯合清宵，肯見過寒情在衣袂。  
風色入庭阿年往，徒傷別更深不廢。  
哦寂寥相對語，奈此一鐙何。

雨中同人集海珠寺，見送用高達夫共言嘯鳥堪求侶，無那春風欲送行平字，爲韻余得堪字。

飛箋先約佛同龕，忽地高天變蔚藍。  
客意濃于初醉酒，歸心嬾過欲眠蠶。  
連江雨暗君能共，竟夜談深我尙堪。

桑下易生三宿戀，瀕行莫笑老夫貪。

挂榜山

兀立寒江絕壁孤，神鏤天削剩蒼膚。誰申千佛名經拜，待展眞靈位業圖。峴冢定嫌魚紙膩，梵佉空憶竹錘麤。玉繩也有文章責，插向南離意豈誣。

江行雜詩二十首

全集錄十六

舟中人事減幽興，總蹉跎唱曉先雞。喔占風候鷓過，欄爭橫渡急山戀。夕陽多不奈披裘客，銜盃對女蘿。妙景增淒咽，緣溪石壁齊。漂花添碧漲，浴鷺少青泥。帆影看來倒山形，落處低人煙。修竹外亭午一雞，哢。

住卽耽奇石行常畏澀灘月高荒徑溼成遠暮江寒山  
鬼披蘿嘯漁翁露網看前岡連野燒想爲報平安  
極望轉蒼茫行歌野路長嵐深遲見日樹紫夜知霜草  
沒歸樵徑雲封落雁岡可堪年運往辛苦脫蠻鄉

入保昌境簡四明府

之字帆穿碧漲消梅關北去望非遙平岡下出臨溪路  
側岸橫添度礪橋幾望月輪催日落將黃霜葉候風飄  
逢迎不見津亭吏輸與高生綬繫腰

潁州弔門人趙工部

天衢

十年迴首死生分落日停舟一弔君墓表頭銜方杜甫

篋中手迹憶羊欣  
淚痕交午雙江水  
愁緒連天竺嶺雲  
不久夜臺吾亦到  
達觀何用惜離羣

右一百四十六首  
先生在嶺南時所

作全集不載粵刻  
嶺南集八卷有之

道古堂集外詩